

جَرِيدَةُ حَكَاكِرْ

جمعه ايرتسى

نومرو	رمضان	سنه	شباط	سنه	حقيقه
۸۱۲	۱۲	۱۳۱۲	۲۵	۱۳۱۰	۱۱۳۰۹

(اشوغزته بهر هفته جمعه ايرتسى كونلرى چيقار . سنه لىكى درساعات ايچون مجيديه يكرمى غروش)
 (حسابيله التمش غروشدر . طشره لر ايچون اون بش غروش پوسته اجرتى ضم اولنور . بهر)
 (نسخه سى ينه مجيديه يكرمى غروش اولوق اوزره يوز پاره يه هر يرده ساتيلور . درج اولنه جق)
 (اعلانا تىك هر برندن بر مجيديه اخذ اولنور . سنه لىكنه مشترى اولوق استيانلر عدليه نظارتى)
 (دائره سنده كا ئن جريده محاكم اداره سنه مراجعت ايلمليدر)

اخطار مخصوص

قسمت سى

جريده محاكم اون التنجى سنه سى اشبو
 نسخه ايله رسیده حسن ختام بولمش و اوچيوز
 اون سنه سى ابونلرينك مدتى دخى منقضيه اولمش
 اولديغنه بناءً اون بدنجى سنه يعنى اوچيوز اونبر
 سنه سنده دخى جريده نك دوام ارسالى ومطام
 له سنى ارزو ايدنرك بروجى سابق برسنة لك
 ابونان بدلنى جريده محاكم اداره سنه پشينا ايفلا
 ايلملرى اقتضايده چكى اخطار واعلان اولنور .

(فى ۲۸ شعبان سنه ۳۱۲ و فى ۱۱)
 (شباط سنه ۳۱۰ تاريخيله بالجملة ولايات)
 (استينافى محكمه سى مدعى عموميلرينه مدعى)
 (عمومى بولنيان محالرم مدعى عمومى معاونلرينه)
 (يازيلان تخريرات عموميه صورتيدر)

عموم دوائر جه مأموريتيه تعيين اولنلرك

اول امرده تخلیف ایدلمسی حقنیده بر منطوق
امر وفرمان جناب پادشاهی اتخاذ اولنان اصولک
حسن محافظه سی لزومی بوکره شرفعلق بیور -
یلوب باب عالیدن باند کره سامیه تبلیغ قلنان اراده
سنیه حضرت پادشاهی اقتضای عالیدن بولنش
و ذکر اولنان اصول اولجه ۱۰ تموز سنه ۳۰۹
تاریخی تحریرات عمومیه ایلده ده بیان و تبلیغ
ایدلمش اولدیغندن عدلیه مأموریتلرینه انتخاب
اولنانلرک اراده سنیه جناب خلافتیناهی حکم جلیلی
وجهله اول امرده اجرای امر تخلیف لری خصو -
صنجه مرعی اولان اصولک حسن اجرا و محافظه
سنه بغایت اعتنا و دقت اولنمی لزومک ایجاب
ایدنلره تبلیغی بیانیه واشبو تحریرات عمومیه نک
نسخ مطبوعه کافیه سنک لفاً ارسالنه ابتدار
قلندی .

قسم غیر رسمی

اعلام مذکورک خلاصه مائی مرقوم صادق
اغانک اوچوز سنه سنه محسوباً جانب بلدیندن
درعهده و التزام ایلدیکی پرهشوه قصبه سیله
بویانوفجه قریه سی بازار محللرینک حیوان و سرکی
رسمی بدلندن غیر از استفادنی اولان التی بیک
سکریوز غروشک کفلی حسین اغاز اجمندن تحصیل
حکمنی حاوی پرهشوه بدایت محکمه سندن ویریلان
اعلام علینده مزبور صادق اغا اعتراض الیرد عواسته
قیام و رسوم مذکورک حاله سندن صکره بازار -
لرک جانب حکومتدن اون بر هفته مدت تعطیل
ایدلدیکی جهتله متضرر اولدیغنی یتیم بدی لیرادن
مبالغ مدعا بیک بالتزیل باقیسنک بلدییه صندوقندن
تضمینی درمیان ایتیم ایهده بازار لرک تعطیلنه
سبب اولنلردن دعوی اولنمی اوزره اغای مزبورک
ادعاسنک ردیه اعلام سابقک اجرای حکمنه دائر
پرهشوه بدایت محکمه سندن ویریلان اعلامک بدایه
مدعی عمومینک بولندیرلدیغندن دولانی عند
الاستیناف فسخند صکره سبق ایدن تدقیقات

استینافیه نتیجه سنده مزبور صادق اغا وکیل جانبدن
ثبوت مدعاسنه کافی اوراق رسمیه ابراز ایدیه مدیکی
بیایله اغای مرقومک ادعاسنک ردیه مبلغ مذکور -
رک مع گذشته موکله اضافله وکیل مومی الیهدن
تحصیلنه حکمدن و مستدعی تمیز صادق اغانک
اشبو حکم علینده لایحه سنده محرر اعتراضاتک
باشلو جه سی رسوم مذکورک حاله سندن صکره
بازار محللرینک جانب حکومتدن تعطیلی بلدییه
رئیسنک تحت تصدیقده اولوب بوصورت ابراز
اولنان مجلس اداره مضبوطه سی مندرجاتیه مثبت
بولندیغنی حالده نظر اعتباره الخامسی مغایر قانون
اولدیغندن بجنله اعلام مذکورک نقضی استدعاسندن
ومعاون مومی الیهک مطالعه سی دخی بازار لرک
بلدییه جانبدن تعطیل ایدلدیکی تبیین ایتیم اولسنه
مبنی اعتراضات واقعه نک موافق قانون کوریه -
مدیکی بیانندن عبارت بولمشدر .

ایجابی مذاکره اولندقدده اعلام مذکور مطالعه -
سندن منفهم اولدیغنی اوزره ملتزم مزبور صادق
اغانک بدایه اقامه ایلدیکی دعوی بدل التزامدن
دینی بولنان مبلغک کفیلندن تحصیلنه دائر صادر
اولان اعلام اعتراض الغیر طریقله فسخ و جرحی
طلبندن عبارت اولوب عند الاستیناف اعلام ابتدا -

یئیک فسخند صکره دخی بویولده نصو بر
دعوی ایتیمه و دائره بلدییه طرفندن مرقوم
علینده برکونه دعوی اقامه ایدلماش اولسنه
کوره محکمه استینافیه جه اعلام ابتدایک فسخندن
صکره معترض مرقومک اعتراض الغیر دعوا -
سنک تدقیقه شایان استماع اولدیغنیک تحقیقی تقدیرده
استیناف استدعاسنک ردینه قرار ویرلک لازم
کلوزایکن اولجه بر موجب ادعا کفیلندن تحصیلی
تحت حکمه النان مبلغ مزبورک ملتزم مرقومه
اضافله وکیلندن تحصیلنه قرار ویرلمسی قانونه مغایر
اولدیغنی ببناء اصول محاکمه حقوقیه قانوننک ایکوز
قرق برنجی ماده سی موجبجه اعلام مذکورک
نقضیه قانون مذکورک ایکوز قرق دردنچی ماده -
سی حکمنه توفیقاً کیفیتک یکیدن بالرؤیه اعلامه
ربطی ضمننده محکمه مذکوریه اعاده سنه وزیرده
مفرداتی مرقوم درتیوز طقوز بقی غروش مصارف
تمیزیه نک ایلروده حقسز چیه جق طرفه رجوع
ایتمک اوزره اول امرده مستدعی تمیز صادق
اغادن الخمسه ۶ کانون ثانی سنه ۳۰۷ تاریخنده
متفقاً قرار ویرلدی .

کیوه بدایت محکمه سندن ۱۲ کانون اول سنه
۳۰۶ تاریخی ویتش سکر عددی ایل ویریلان
اعلامک تمیزی زراعت بانقه سنک کیوه قضای
شعبه سی وکیلی طرفندن استدعا قلمش و یوم معینه
مذکور بانقه نك اداره عمومیه سی وکیلی اوخانس
افندی دائره به کلرک تمیز علیه قضاء مذکورک
غیر مسلم محله سنده مقیم طوغرامه سی اوسب اوغلی
مغردیچ ورود ایتماش اولدیفندن یالکر وکیل
مومی الیهک ایضاحات شفاهیه سیله باش مدعی عمومی
معاونلرندن سعادلو یورغا کی افندی سنک مطالعه سی
استماع قلندقدنصکره تدقیقات تمیزی به اجرا سنه ابتداره

اعلام مذکورک خلاصه مالی مرقوم مغردیچک
۱ تشرین اول سنه ۹۳ تاریخی برقطعه سند موجب
ملقا کیوه منافع صندوغندن استقراض ایتمش
اولدینی اوچیوز سکسان بش غروشک تحصیلی
حقنده مذکور باقه وکیلی طرفندن اقامه ایدیلان
دعویه قارشو مرقوم مغردیچ سنده موضوع
امضائی بعد التصدیق دین مذکورک قائمه ایچیه
اولدینی مدافعه بیان ایتمش اولسنه وهر تقدیر سنک
بالاسنده بشک ایچیه اولدینی محررایسه ده دروننده
برکونه صراحت اولیوب سند مذکورک قائمه نك
تداولی زماننده تنظیم ایدلمش اولسنندن ناشی

دین مذکورک قائمه قرار نامه سنه تابع اولدینی درکار
بولسنه مبنی مجله نك بیک التیوز طقوزنجی ماده سنه
توفیقاً مبلغ مذکورک درت بیچ یوزلک قائمه برلیرا
اعتباریله مع فائض مرقوم مغردیچدن تحصیلنه حکمدن
و مستدعی تمیز زراعت بانقه سی وکیلی اوخانس
افندی سنک اشبو حکم علیه نده کی اعتراضنک باشلوجه
سی مستند ادعا اولان سنک بالاسنده مدعا به ایچیه نك
بشک اولدینی محررایکن محکمه به تاریخ سنده
نظراً مبلغ مذکورک قائمه اوله رق تحت حکمه آلمشی
مغایر قانون اولدیفندن بجمله اعلامک نقضی و تمیز
علیه مغردیچک لایحه سنده محرر نتیجه جوابی تاریخ
سندک قائمه تداولی زماننه مصادف اولوب متنده
غروش اوله رق استقراض ایدلدیکی محرر اولسی
جهتیه حکم مذکورک بولنده اولدینی بیانیله
تصدیق طابندن و معاون مومی الیهک مطالعه سی
دخی مبلغ مدعا بهک بشک ایچیه اولدینی سنده
محررایکن قائمه اوله رق تحصیلنه قرار ویرلمسی
واثنای محاکمه ده مدعی عمومینک بولندیرلماسی
مغایر قانون اولدینی بیانندن عبارت بولنمشدر .

ایجابی مذاکره اولندقدن اعلام مذکور
مندرجاتندن منضم اولدینی اوزره دعوی واقع نك
منافع عمومیه ایچون تأسیس ایتمش اولان زراعت

قونیه استیفاف محکمه سندن ۳۱ کانون اول
سنه ۳۰۶ تاریخی و اتوز عددی ایل ویریلان
اعلامک تمیزی استدعا ایدن قونیه ده مقیم حاجی
ولی زاده صدرالدین افندی ایل مدعی علیه قصیه
مذکورده ساکن یمینی دولسز اوغلی مصطفی
یوم معینه دائره به کلدکرندن اصول محاکمه حقوقیه
قانون موقتک ایکیوز یکرمی طقوزنجی ماده سی
موجب به تدقیقات تمیزی به اجرا سنه ابتدار اولندی .

اعلام مذکورک خلاصه مالی مومی الیه حاجی
صدرالدین افندی سنک مرقوم مصطفی ایل باسند
بینلرنده منعقد شرکت وجهله اداره ایتمکده
اولدقیری صاریجیلر قریه سنده واقع کهرچله
اوجاغندن اوچیوز درت سنه سنده حصوله کلان
کهرچله بدلدنن ثلث حصه سیله اوچیوز بش
سنه سی حاصلاتندن اولوب هنوز قیمتی تقدیر
اولنمیان درت بیک قیه کهرچله حصه سنک و مذکور
اوجاقده موجود معلوم المقدار تیورباش اشیاده کی
حصه سیله مرقوم مصطفی به ویرمش اولدینی بیک
اوجیوز غروشک تحصیلی طلب وادعا و شرکتلر
نی مین برقطعه شرکت سندیه برقطعه علم و خبر
ابراز واعطا ایتمشه قارشو عندالحاکمه مدعی علیه
مصطفی سند و علم و خبر مذکور اقراریه مومی

بانقه سنه متعلق اولسنه کوره محکمه به اثنای
رؤیتنده تشکیلات محاکم قانوننک التمش بشنجی
ویتش برنجی ماده لری موجب به مدعی عمومینک
حاضر بولندیرلهرق مطالعه سنک استماع لزومی
درکار ایکن مأمور مومی الیهک حاضر بولندیرلهرق
مطالعه سنک استماع ایدلماسی و مستند ادعا اولنان
سندده مبلغ مدعا بهک بشک ایچیه اولدینی محرر
اولسیله تقدراً استیفاسی مقتضی اولدینی حالده
قائمه اوله رق تحت حکمه التمش قانون مقابرو مستند
عی تمیز بانقه وکیلنک اعتراضیه معاون مومی الیهک
مطالعه سی موافق نفس الامر اولدیفنه بناء اصول
محاکمه حقوقیه قانوننک ایکیوز اتوز ایکنجی
و ایکیوز قرق برنجی ماده لری موجب به اعلام
مذکورک نقضیه قانون مذکورک ایکیوز قرق
دردنجی ماده سی حکمنه توفیقاً کیفیتک یکیدن
بالرؤیه اعلامه ربطی ضمننده محکمه مذکوریه
اعاده سنه وزیرده مرقم درتیوز طقوز
بیچ غروش مصارف تمیزی نك ایلروده حقسنز
چیقه جق طرفه رجوع ایتمک اوزره اول امرده
مستدعی تمیز زراعت بانقه سندن اخذ واستیفاسنه
۴ مایس سنه ۳۰۹ تاریخنده متفقاً قرار ویرلهرک
تفهیم قلندی .

ایله عقد ایلدکلی شرکتک بالک برسنه به مخصوص
اولوب مؤخرأ فسخ اولدینگی و مذکور بیک
اوچوز غروشک سنه نهایتند روت ایتدکلی
محاسبه دن متولد اولدینگی کی تیمورباش اشیاک دخی
کندوسنه عاایدوکنی مدقمه درمیان ایتش
ایسه ده مرقوم مصطفایک اقرار مذکور و سالف
الذکر سند مدلولی موجبجه اوچوز درت
سنه سی حاصلاتندن مدعی مومی البهک حصه سنه
اصابت ایدن درت بیک یوزاون الی غروشک
مرقوم مصطفایک تحصیلله برابر اوچوز بش
سنه سی حاصلاتی ایچون دخی مرقوم مصطفایک
رؤیت محاسبه به مجبور طوتمسنه دائر بدایه
ویریلان حکمک عندالاستیناف فسخیله اولابده
جریان ایدن محاکمه و تدقیقات استینافیه نتیجه سنه
شرکت مدعایهک اوچوز درت سنه سی نهایتند
فسخ ایلدیکی شهادتله تبیین ایتسنه بناء مومی -
ایله صدرالدین افندیکن سنه مذکور حاصلاتندن
حصه طلبنک ردیله انحق مرقوم مصطفایک مقبوضی
ایدوکی تحت اعترافنده بولان سالف البیان بیک
اوچوز غروشک مرقومدن تحصیلله حکمدن
و مستدعی تمیز حاجی صدرالدین افندیکن اشبو
قرار علیه نهاده لایحه سنه محرر باشلوجه اعتراضاتی
فسخ شرکت حقنده استماع قلان شهودک کندوسنه

عداوت دنیویه لری بولندیغه دائر درمیان ایلدیکی
اعتراض نظر دفته النیه رقی شهادت واقعه به بنای
حکم ایدلسی مخالف قانون اولدینندن بحکله اعلامک
نقضی استدعاسندن و مدعی علیه مصطفایک نتیجه
جوابی دخی خصمینک شاهدلر حقنده کی طعنی قول
مجرددن عبارت اولسی جهتیله موافق قانون اولان
اعلامک تصدیق طلبندن عبارت بولنشدر .

ایجابی لدی المذاکره اعلام مذکور مطالعه سندن
منفهم اولدینگی اوزره طرفین بیننده کی شرکتک
انقضادی سندایله مثبت اولسنه نظراً شرکت مذکور -
ره نک فسخی ادعاسنک دخی سندایله اثبات ایتدیرلسی
لازم کله جکنه کوره فسخ شرکت خصوصنده سند
اولوب اولدینک طرفیندن استیضاحیله اولابده
سند ابرازیله اثبات مدعایک اظهار عجز ایلدیکی
تقدیرده فسخ شرکت ادعاسنده بولان طرفک طلبیله
خصمینک تحلیف ایدلسی لازم کلور ایکن محکمه
مذکوره جه بویولده اجرای معامله اولنیه رقی
فسخ شرکت حقنده شاهد استماعیله برمنوال محرر
حکم و قرار ویرلسی مخالف قانون اولدیننه بناء
اصول محاکمه حقوقیه قانوننک ایکوز قرق برنجی
ماده سی موجبجه اعلام مذکورک قضیله قانون
مزبورک ایکوز قرق دردنچی ماده سی حکمنه

توفیقاً کیفیتک یکیدن بالرؤیه اعلامه ربطی ضمنتند
محکمه مذکوره به اعاده سنه و زبرده مفرداتی مرقم
درتیوز اون طقوز بچق غروش مصارف تمیزی به نک
ایلروده حقیر حقیقه جق طرفه رجوع ایتک اوزره
اول امرده مستدعین الخمسنه ۲۲ توز سنه
۳۰ تاریخنده متفقاً قرار ویرلدی .



صارو خان بدایت محکمه سندن ۱ کانون اول
سنه ۳۰۱ تاریخی و او تودرت عددی ایله صادر
اولان اعلامک تمیزی استدعا ایدن مغنیاسنجاه
غنده مقیم قره قیچی عشیرتسندن اسماعیل و اون
طقوز نفر رفقاسنک و کبلی پاتده لایکی افندی ایله
میزعلیم مغنیاسیاه تابع برون اورت قریه سی اها -
لیسندن اسماعیل واحمد و محمدون مومی الیها اسماعیل
واحد طرفلرندن او خانس موسید یحییان افندی
یوم معینه دائره به کلش ایسه ده میزعلیمدن محمد

کلدیکنندن و کلان مومی الیه مانک ایضاحات شفاهیله
لریله باش مدعی عمومی معاونی سعادتلو یورغاک
افندیکن مطالعه سی استماع قلندی .

اعلام مذکورک نتیجه حکمی مغنیاسا ککلی
دره نام محل جوارنده کائن اباعن جد متصرف اولوب
ساکن اوله کلدکلی معلوم الحدود اراضی به مومی
علیهم برون اورت چفتلکی متصرفلری طرفندن
وقوع بولان مداخله نک منعی عشیرت مرقومه
و کبلی طرفندن طلب و ادعا قلنش ایسه ده اراضی
منازع فیهانک چفتلک مذکورک حدودی داخلنده
اولدینگی اولابده ابراز اولنان سندن مندرجاتیله
تحقق ایلدیکنه بناء عشیرت مرقومه نک اراضی
مذکوره به واقع اولان مداخله لرینک منعه قرار
ویرلدیکندن و مستدعی وکیلنک حکم مذکور علیه نهاده -
کی اعتراضاتنک خلاصه سی اراضی مذکوره به
اباعن جد متصرف اولدینگی قبودخاقانی ایله تبیین
ایتش ایکن محکمه جه بوراسنک نظر دفته النماسی
مغایر قانون اولدینندن اعلامک نقضی و مدعی
علیه مک نتیجه جوابی حکم مذکور مطالعه سی
اعتراضات واقعه نک موافق قانون اولدینگی بیاندندن
عبارت بولنشدر .

سنة ۳۰۴ تاريخه متفقاً قرار وير بهرك طرفيه تفهيم قلندي .

لازستان بدایت محکمه سندن ۱۲ نيسان سنة ۳۰۳ تاريخی ويکرمی بر عددی ايله صادر اولان اعلامک تميزی استدعايتمش اولان خويه قضاسنک صوندره قريه سنده مقيم مفتی زاده عبدالله افندی وکيلي کر قور قلايحيان افندی تعيين اولنان کونده کلش ايسده ميمز عليها قريه مذکوره ده ساکنه پنه خانم کلديکندن وکیل مومي اليهک ايضاحات شفا هيمه سی استماع قلندي .

اعلام مذکورک خلاصه مالی مزبوره پنه خانمک زوجی متوفی محمد صادق افندی وکالتيله عثمان نام کسنه دن التي بيک غروش ثمن مقابلنده تفرغ ايلديکی صوندره قريه سنده واقع معلوم الحد ودر قطعه ترلاياله بر باب خانه نک متوفای مومي اليهک

ایجابی مذاکره اولندقدہ اعلام مذکور مائنه نظراً منازع فيه اولان اراضی به بالينه اثبات اولنسی حقننده وقوعبولان طلب رد ایدلمش ايسده بر ماده قانونیه کوسترلما سی وقریه اهالیسنک قوم محصور اولوب اولدیفنه دائر تدقیقات مقتضیه اجرا سیله تبین ایده جک حاله کوره تشکیل طرفین ایدلمک مقتضی ایکن بویولده بر کونه تدقیقات ایفا اولنما سی وعمومه عائد اولان مرعالرک سندر تصرفی عرف وعادت اولدیفنی جهتله مدعابه اولان مرعی اولدیفنی حقننده شهود استماعی لازمه دن ایکن صرف نظر اولنسی ومحل مذکورک کشفيله نائب طرف سندن ویریلان تقریر حقننده وقوعه کلان اعتراضک ردینه قرار ویرلمشیکن بوبابده بر کونه اسباب موجب کوسترلما سی مغایر قانون اولدیفنه ومعاون مومي اليهک مطالعه سی موافق نفس الامر کورلد یکنه بناءً اصول محاکمه نک ایکی یوز قرق برنجی ماده سی موجبجه اعلامک نقصنه وزیرده مفرداتی مرقم بشیوز یکرمی التي غروش مصارف محاکمه نک ایلروده حقسنر چيقه جق طرفه رجوع ایتک اوزره اول امرده مستدعیدن النمنه فی ۶ تموز

ایجابی لدی المذاکره اعلام مذکورک مالندن اکلا شلدينی اوزره محکمه استینافیه جه بدایه ذی الیدلک اثبات ایتدیرلما سندن طولای حکم ابتدائی فسخ ایدلمش ایکن عند الاستیناف ذی الیدلک حقننده استماع اولنان شهودک تزکیه قلماسی واستماع ایدیلان شاهدلرک عددی یکرمی بش نفره بالغ اولمدیفنه مرتبه تواترده عد واعتبار اولنمه جفی بدیهی ایکن اون التي نوردن عبارت بولنان شاهدلرک شهادتی مرتبه تواترده قبول اولنسی احکام مجله به مغایر وخصوصیه اکمال محاکمه ضمننده تعیین اولنان کونده مستأنف علیها وکیلک خويه قضاسنه عزمت ایتسنک استخبار اولنسی اوزرینه تلغرافله دعوت واخبارات اولدیفنی حالده اجابت ایتما سنده دعوته عدم اجابت معناسی ویر بهرك وکیل مسخر تعیینيله عن الغیاب محاکمه اجراسنه ابتدار قلمسی دخی اصول محاکمه مخالف بولنمش اولدیفندن اصول محاکمه حقوقیه قانونک ایکپوز اوتوز ایکنجی وایکپوز قرق برنجی ماده لری موجبجه اعلام مذکورک نقصنه وزیرده مفرداتی مرقم اوچیوز الی اوچ غروش مصارف محاکمه نک ایلروده حقسنر چيقه جق طرفه رجوع ایتک اوزره اول امرده مستدعی عبدالرحمن افندی دن اخذینه ۱۰ تشرین

صغیر وکیر ورثه لری بیننده متساویاً تصرف اولنمنه وترلای مذکورک بر محله متوفای مومي اليهک کندی مالندن انشا ایلمش اولدیفنی بر باب خانه نک متوفای مرقومک فراغندن اوغلی عبدالله افندی نک مستقلاً تملک ایتمنه دائر خويه قضاسی بدایت محکمه سندن صادر اولان اعلامک ذی الیدلک بالينه اثبات اولنما سنده مبنی فسخيله مذکور ترلا وخانه یی مزبوره پنه خانمک تفرغ ایتدیکی مرتبه تواترده اقامه اولنان شهودک شهادت واقع لریله ثابت اولدیفندن بمحله مومي اليههک منع مداخله لریله مذکور خانه ترلانک پنه خانمه تسلیمنه قرار ویرلدیکندن ومستدعی وکيلي کر قور قلايحيان افندی نک قرار علیهنده کی اعتراضاتنک خلاصه سی دعوی واقع اراضی به متعلق وخصوصیه ورثه میاننده صغیر موجود اولدیفنی حالده حین محاکمه ده اراضی مأموری ايله مدعی عمومینک حاضر بولندیرلما سی وموکلای طرفندن عند الحاکمه ابراز اولنان سند خاقانی به قارشو شهود استماع قلمسی مغایر قانون اولدیفندن بمحله اعلامک نقضی ومدعی عليها پنه خانمک لایحه سنده مندرج جوابی حکم واقع اسباب موجبیه مستند واصول وقانون موافق اولدیفنی بیانيله اعلامک تصدیقی طلبندن عبارت بولنمشدر .

اول سنه ۳۰۴ تاریخچه متفقاً قرار و بریلرک
وکیل مومی الیه تفهیم قلندی .

محکمه استیناف حقوق قسمندن ۲۹ کانون-
ثانی سنه ۳۰۲ تاریخی وایکوز اون ایکی عددی
ایله صادر اولان اعلامک تمیزنی استدعایدن
فقدفیلده قزغانی محله سنده سکر نومرولی خانه ده
مسافره مقیمه نافعہ خانم وکیلی اونیک داودیان
اقدی ایله ممیزعلیه درسمه سادته کوچک بازار
جوارنده صاغر جیل محله سنده یکرمی بش نومرو-
لی خانه ده مقیم حافظ محمد اقدی وکیلی حاجی محمد
اقدی تعیین قلان کونده دائره یه کلدکلرندن
ایضاحات شفاهیله لی استماع قلندی .

اعلام مذکورک مالی مومی الیه نافعہ خانمک
مومی الیه محمد اقدیدن استقراض ایلدیکی طقسان
لیرا مقابلنده مواضعه اقدی مومی الیه فراغ
ایتمش اولدی برباب عباسی دکانسک بدل

ایجارندن اقدی مومی الیه کدشته نامیلہ المش
اولدی بیسک سکر بور المش غروشدن فائض
کدشته سنک تزییلله متباقی دخی ایفا ایدہ جکندن
بختله دکان مذکورک اعاده فراغی حقسنده اقامه
ایلدیکی دعوا نتیجه سنده طرفین بیننده تعاطی
اولان مقاوله نامه ده فائض حقسنده برصراحت
اولدی کبی دکان مذکور بدل ایجارینک مومی الیه
محمد اقدی یه عادی حقسنده شفاهاً برکونه مقاوله
دخی اولدی مین مزبوره نافعہ خانمک اجرا قلان
تحلیله ثابت اولدیغندن مومی الیه محمد اقدینک
فائض طلبنه حق اولمه جفته و دکان مذکورندن
کدشته نامیلہ المش اولدی بیسک سکر یوز المش
غروشک مذکور طقسان ایرادن تزییلله متباقینک
دخی نافعہ خانم طرفندن ایفا ایلدیکی صورتده
اقدی مومی الیه اعاده فراغه مجبور طوتلمسنه
دائر بدایه وریلان اعلامک عندالاستیناف اعاده
فراغ حقسنده اولان جهت حکمیہ سنک تصدیقنه
ومزبوره نافعہ خانمک بدایه دعوی عرضحالنده
دکان مذکور اجوراتنی فائض نامیلہ ترک ایلدیکنی
بیان ایتمش اولسنه مینی اعلام ابتدائینک فائض
حقسنده اولان حکمنک فسخیلہ مذکور طقسان
لیرایه سند تاریخندن اعتباراً حین نادیه یه قدر کدشته
بوریدلمسنه حکمندن ومستدعیه نافعہ خانم وکیلی

اونیک اقدینک اشو حکم علیهنده کی اعتراضاتنک
خلاصه سی موکلی مبلغ مستقرضی دائره احرایه
تسلیم واطارنامه ایله خصمنه رسماً اخبار
وتفہیم ایلدیکنی استینافاً لایحه سنده بیان ایلدیکی
حالدہ محکمه استینافیه جه ودمش بردن حقسنده
حین تحصیلنه دکن فائض حکم اولنمشی مغایر
قانون اولدیغندن اعلامک نقضی ومدعی علیه
خافظ محمد اقدینک جوابی دخی اعتراضات واقعہ
نقضی موجب اولمادی بیانیله اعلامک تصدیق
طلبندن عبارت بولنمشدر

ایجابی مذاکره اولندقدہ اعلام مذکور
مأمنندن مستبان اولدی اوزره مستقرض اولان
طقسان لیرانک دائره اجرایه تودیع اولندی
مزبوره نافعہ خانم جانبندن اخطارنامه رسمی ایله
مومی الیه خافظ محمد اقدی یه اخبار اولندی
محکمه استینافیه اعطاء قلوب جلب وتدقیق اولان
لایحه جوابیه مندر جانندن اکلانلمش اولدی
حالدہ محکمه استینافیه جه بوجہ حقسنده تدقیقات
اجراسیلہ کدشته مسئلہ سنک اکاکوره حکم اولنمشی
اقتضا ایدریکن بودائره . اجرای تدقیقات
اولمقسزین مبلغ مذکور ایچون حین تحصیلنه
دکن فائض حکم اولنمشی قانونه مغایر واشبو
مغایرت نقضی مستلزم اولدیغندن اصول محاکمه

حقوقیه قانوننک ایکوز اوتوز ایکنجی ماده سی
موجبجه اعلام مذکورک یالکر بوجہ حقسنده
اولان حکمک نقضنه وزیرده مفرداتی صرفم
اوجبوز المش اوج فروش مصارف محاکمک
ایلروده حقسنز چیقہ حق طرفه رجوع اتمک
اوزره اول امرده مستدعیه نافعہ خانمندن الخمسنه
۲ نیشان سنه ۳۰۴ تاریخچه متفقاً قرار و بریلرک
تفہیم قلندی .

سورمنه بدایت محکمه سندن ۲۰ کانون ثانی
سنه ۳۰۳ تاریخی ویکرمی ایکی عددی ایله
ویریلان اعلامک تمیزی استدعایدن سورمنه
رسومات مأموری عمر اقدی ایله ممیز علیه
سورمنه قضاسنک زارخه قریه سی اهالیسندن
احمد ومحمود رئیس تعیین اولان کونده دائره یه
کلدکلرندن اصول محاکمه حقوقیه قانوننک ایکوز
یکرمی حقوزنجی ماده سی موجبجه اوراق
اوزرینه تدقیقات تمیز یه اجرا قلندی .

اعلام مذکورک مالی سورمه رسومات
 مأموری عمر افندیك احمد افندی ايله محمود
 رئیس ذمترنده برقطعه امره محرر سند موجبنجه
 یکدیگرینه کفالت مالیلهری جهتیله مطلوبی بولنان
 اوتوز بر ایرانک تحصیلی حقنده اقامه ایتدیکی
 دعوانک سورمه بدایت محکمه سنجه اجرا قلنان
 تدقیقات نتیجه سنده مدعی علیهما دن مدیون
 اصیل مومی الیه احمد افندیك مبلغ مدعا بهدن
 طولانی یکریمی بش لیرابه صلح اوله رق بدل
 صاعی نسویه ایتدیکی اولبابده اقامه ایتدیکی
 شاهدرک شهادتیله تحقق ایتدیکی بیانیله مجله نک
 بیسک بدیوز و بیسک الی یوز اوتوز ایکنجی
 مادرلی موجبنجه مومی الیه عمر افندیك مرقوم
 احمد افندی ايله محمود رئیس قارشو معارضه دن
 منعه قرار ویرلیدندن و مستدعی عمر افندیك
 اشبو قرار علیهنده کی اعتراضاتک خلاصه سی
 امره محرر سنداندن منبعث دعاوینک رؤیت
 وفصلی محکمه تجارتیه عائد و بویله سندانه قارشو
 شهود شخصیه استماعی قانوناً غیر جائز اولدیغندن
 بخله اعلامک نقضی و مدعی علیهمانک جوابلری
 دخی حکم ابتدائی موافق قانون اولدیغندن
 اعلامک تصدیقی طلبندن عبارت بولنمشدر .

ایجابی مذاکره اولندقدده اعلام مذکور
 مالندن اکلاشدیغی اوزره دعوی واقعه امره
 محرر سند مستد اولدیغندن معاون مومی الیهک
 مطالعه سی وجهله بدایت محکمه سی تجارت محکمه
 سی صفتیله تشکل ایدرک رؤیت وفصل ایدلمسی
 لازم کلور ایکن بوداثرده اجرای معامله اولنما
 مسی و بومقوله سندانه قارشو شهود شخصیه استماعی
 اصول محاکمه حقوقیه قانوننک سکسانجی ماده سی
 موجبنجه غیر جائز ایکن بوراسنه دخی دقت
 اولنماسی مخالف قانون بولنمش اولدیغندن
 قانون مذکورک ایکوز اوتوز ایکنجی ماده سی
 موجبنجه اعلام مذکورک نقضه وزیرده مفرداتی
 مرقم درتیوز یکریمی درت غروش مصارف
 تمیزیله نک ایلروده حقسزجیه جق طرفه رجوع
 ایتک اوزره اول امرده مستدعی عمر افندیك
 اخذینه ۱۸ کانون ثانی سنه ۳۰۴ تاریخنده
 متفقاً قرار ویرلیدی .

یکیشهر بدایت محکمه سندن ۲۱ کانون ثانی
 سنه ۳۰۳ تاریخی یوز اون برعدد ايله ویریلان
 اعلامک تمیزیخی استدا ایدن یکیشهر قضاتک
 ازنیق ناحیه سنده متوفی مدرس حامی افندیك
 صغیر اوغلی مصطفانک وصیتی عارف وکیلی
 حسن افندی تعیین اولنان کونده کلش ایسه ده
 میز علیه ناحیه مذکورده مقیم سلمان اوغلی
 دلی مصطفی کلامش اولدیغندن یالکر مستدعی
 تمیز وکیلک ایضاحات شفاهیه سیله باش مدعی
 عمومی معاونلرندن سعادتلو یورغا کی افندیك
 مطالعه سی استماع قلندی .

اعلام مذکورک مالی مرقوم دلی مصطفانک
 مومی الیه عارف افندیك وصیتی بولندیغی
 صغیر مصطفی ذمتنده غیر از تسلیم باسند مطلوبی
 بولنان اوچیک اوچیوز اون ایکی غروشک
 تحبصلنه حکمدن و مستدعی وکیلک اشبو حکم
 علیهنده کی اعتراضاتک خلاصه سی موکلندن
 حسب الوصایه ادعا اولنان مبالغه قارشو وقوع
 بولان مدافعه سی مثبت ابراز اولنان سندک نظر
 دقت و اعتباره النامسی مغایر قانون اولدیغندن
 بخله اعلام مذکورک نقضی و مدعی علیه مصطفایا
 نک نتیجه جوابی مرقوم اصلاً بورجی اولمیدیغی

جهتله حکم واقع موافق اصول وقانون بولندیغی
 بیانیله تصدیقی طلبندن عبارت بولنمشدر .

ایجابی مذاکره اولنده تمیز اولنان اعلام
 مالنه نظراً دعوی واقعه صغیر مصطفایه عائد
 اولق اوزره اقامه اولنمش و بویکی ایتمه تعلق ایدن
 دعاوینک رؤیت وفصلی محکمه شرعیه عائد بولنمش
 اولدیغنه و معاون مومی الیهک محکمه ده مدعی
 عمومی حاضر بولنمیش و وصایاتک تحقق ایتدی
 یرلمدیکنه داراولان مطالعه سی تدقیقه محل قالدیغنه
 بناء اصول محاکمه حقوقیه قانوننک ایکوز قرق
 برنجی ماده سی موجبنجه اعلام مذکورک بوجهندن
 طولانی نقضیه کیفیتک قانون مذکورک ایکوز
 قرق اوچنجی ماده سی حکمنه توفیقاً یکیشهر
 محکمه شرعیه سنه حواله سنه وزیر ده مفرداتی
 مرقم اوچیوز قرق سکر غروش مصارف
 محاکمه نک ایلروده حقسزجیه جق طرفه عائد
 اولق اوزره اول امرده مستدعی عارف افندیك
 اخذینه ۱۵ تشرین اول سنه ۳۰۴ تاریخنده
 متفقاً قرار ویرلدرک وکیل مومی الیه حسن
 افندی به تفهیم قلندی .

عبدالغنی بن عبدالهادی الصالحک وقوعبولان
قلندن دولای جنایتله اتهام اولنان بدوی محمد
الصالح بعدالنقض اجرا قلنان محاکمه سنده دخی
کما فی السابق قانون جزانک یوز یتیش دردنجی
ماده ۳۱۰ نه تطبیقاً اون بش سنه مدته کور که فونلمسینه
حکم اولدیغنی حاوی نابلس سنجیغنی بدایت
محکمه سی جزا دائره سندن ویریلوب باش مدعی
عمومیلک مأموریت علیه سندن ۱۱ کانون ثانی
سنه ۳۱۰ تاریخ و اوچ یک یوز یکریمی الی نومرو
لی تبلیغامه ایله محکمه تمیز جز دائره سنه کوندر
یلار ۱۳ شربن اول سنه ۳۱۰ تاریخ و یوز
طقسان بش نومرولی اعلام و اوراق منفیره سی
تمیزاً لدی لتدقیق مذکور تبلیغنامه ده بیان
اولدیغنی وجهله اعلام سابق محکوم علیه ک
مراق اولدیغناک نظر دفته التمدیدی نقطه سندن
نقض اولدیغنی حالده اشبوا اعلام اخیرده مرقومک
تاریخ ولادی طقسان درت اولدیغناک نفوس
اداره سندن رسماً وجواباً بیلدیرلدیکندن و مرقوم
مک اولکی محاکمه ده ابراز ایتدیکی تذکره
عثمانیه ده بوتاریخک طقسان بش کوسترلمی
سهودن ایلرو کلدیکندن بحث اولمش ایسه ده
سهو مذکورک ندن نشئت ایتدیکنساک و وکیلک

طایب وجهله اداره نفوسجه تمسیدلات اجرا
اولنوب اولدیغناک اداره مذکورده دن سؤالی
لام کلور ایکی نقصان براغلمغله برابر بالفرض
مرقومک طقسان درت سنه سنده تولدی تحقق
ایتسه بیله فعل مذکور اوچ یوز طقوز سنه سنک
وسطندن صکره واقع اولمش اولمسینه وتولک
قنی ایده وقوعی مجهول قلمسینه کوره مرقومک
حین وقعه ده هر حالده اون بشی اکیال ایتماش
اولمی جهتک ترجیحی قاعده دن بولمسینه
محکمه ک ذهاب اخیرنده دخی اصابت اولدیغندن
اصول محاکمات جزئی قانونک اوچ یوز اون دردنجی
ماده سنه نوبتاً اعلام مذکورک نقضه وایکیوز
غروش اعلام خرجک بالتجسلی محکمه تمیزه
ارسالی لزومه ۲۸ کانون ثانی سنه ۳۱۰ تاریخنده
قرار ویرلدی .

فی ۱۹ شعبان سنه ۳۱۲

و فی ۲ شباط سنه ۳۱۰

اعلان

اسحق پاشا محله سنده سلطان چشمه سی
قارشوسنده بلانومرو خانه سا کنه اسماعلک
درسعادت بدایت محکمه سی برنجی حقوق دائره
سندن صادر اولان اعلام موجینجه سلیمانیه
محله سنده قبودان ابراهیم پاشا جامع شریفی اتصالنده
بوز طغان کمری زوقاغنده سا کنه سلیمه خانم
ذمتنده اله جنی اولان معلوم المقدار مبالغتسویه سی
ضمننده کوندریلان اخبار نامه مدتی منقضیه اولدیغنی
حالده تسویه دن ایتماسندن طولای دایته نک
وقوعبولان استدعای اوزربنه مدیونه مومی
ایهانک متصرفه اولدیغنی بیروتد باشوره محله سنده
اوتوز نومرولو خانه ایله یکریمی الی نومرولی
عرصه سی تحت حجزه التهرق اجرا قانونه نوبتاً
تنظیم ایدیلان ایکنجی اخبار نامه لاجل التبلیغ
مزبوره نک محل اقامتی اولان بوز طغان کمرینه
کوندرلمش ایسه ده مزبوره خاوندکار ولایت
جایله سنه عریمت ایلدیکی بیان اولمسندن ناشی
تبلیغ ایدیله ماش و مذکور اخبار نامه ولایت
مشار ایله بدایت محکمه سنه ارسال اولدیغنی حالده
مزبوره بولمه میرق اعاده قلمش و اقامتی مجهول
بولان مدیونلرک اثبات وجود ایتلری ضمننده

اجرا قانون موقتک یکریمی طقوزنجی ماده سنه
توفیقاً تاریخ اعلاندن اعتباراً طقسان برکون
ظرفده مومی ایله سلیمه خانمکدخی کلوب اثبات
وجود ایتدیکی حالده املاک مذکورده نک حجز
وفروخت اولنه جنی درسعادت اعلامات نظامیه
اجرا دائره سندن اعلان اولنو .

فی ۱۸ کانون ثانی سنه ۳۱۰

بدروسک بک اوغلی ۳۱۲ نومرو سیله مقید
اعلام موجینجه عوادیس ولد حجاتور ذمتنده
محکوم به اله جنی اولان معلوم المقدار مبالغت
تأمین استیفای ضمننده بشکطاشده تشویقه
محله سنده یکی محله سوقاغنده مکرر اوتوز
نومرولی سلطان بایزید خان ولی وقفندن بر
قطعه عرصه ک نصف عن نصف حصه شایعه سنک
حجزیه فروختی بک اوغلی بدایت محکمه سی ریاست
اولمی جانبدندن تحت قراره التمش اولدیغندن
تاریخ اعلاندن اعتباراً اون بش کون صکره
بالمزایده فروخته تشبث اولنه جنی بک اوغلی
بدایت محکمه سی اجرا دائره سندن اعلان
اولنور .

فی ۸ شباط سنه ۳۱۰

عثمانی یوز فروشدن التی بیک بشیوز فروش
بدل ایله طالی اوزرنده تقرر ایتیش اولدیغندن
یوزده بش ضمیله بوندن دهاریاده طالب اولنلرک
اشبوتاریخ اعلاندن اعتباراً اوتوز برکون ظرفنده
در سعادت اعلامات شرعیه اجر دائره سنه مراجعت
ایلملری ومدت مذکوره ختامندن صکره مذکور
حصه تقرر ایدیه جک بدل ایله طالی عهده سنه معامله
فراغیه سی اجرا قلنه جنی دائره مذکوره دن اعلان
اولنور .

فی ۹ شباط سنه ۳۱۰

مرسم قادیانک ۳۱۱ نومروسبیله مقید اعلام
موجنبجه مقر دیم افندی ذمتنده محکوم به اله حتی
اولان مبالغت تأمین استیفاسی ضمتنده بک
اولنده قمر خاتون محله سنده قزلر زقاغنده اون
درت نومرولی خانه ده متصرف اولدیغی درت حصه
اعتباریله بر حصه شایعه سی لدی المزایده اوچبیک
فروش التون اقیچه بدل ایله طالی عهده تقرر ایتیش
اولدیغندن اشبوتاریخ اعلاندن اعتباراً اوتوز بر
کون ظرفنده بدل مذکور اوزرینه یوزده بش ضمیله
طالب اولنلرک بک اوغلی اجرا مأموریتی جانیده
مراجعت ایتلمی اعلان اولنور .

فی ۹ شباط سنه ۳۱۰

بک اوغلی ۱۷۱ نومروسبیله مقید اعلام
موجنبجه چوبان احمد اغانک حسین اغایه دینی
اولان بیک یوز طقوز غروشک مع مصارف
محاکمه واجرائیه تأمین استیفاسی ضمتنده مدیون
مرقومک محجوز اولان بر رأس مانده اینسکیله
دیگر بر رأس عادی اینکک وبر بارگیری شهر
جاری رومینک یکرمنجی بازار ابرتسی کونی
در سعادت آت بازارنده بالمزایده بک اوغلی
اجرا مأموریتی جانیدن فروخت اولنه جنی
اعلان اولنور .

فی ۱۱ شباط سنه ۳۱۰

(مطبعة عامه ده طبع اولمشدر)

متوفی حاجی علی اغاورته سنک اسماعیل حتی
بک ذمتنده قسمت عسکریه محکمه سندن ویریلان
۱۶ شوال سنه ۳۰۴ تاریخی بر قطعه ادانه حجتی
موجنبجه الاحقری اولان مبالغ معلومه نك تأمین
استیفاسی ضمتنده مدیون مومی الیهک عهده سنده
اولوب مره زووکات دوریه ایله فروختی محکوم
بولنان استانبولده چلبی اوغلی علاالدین محله سنده
واقع قر قسکز نومرو ایله مرقم برباب وقف
حاجی دکانی دروننده موجود کدکک ثلث حصه
شایعه سی بوندن مقدم مزایده به قونیلر ق لیرای

